


中國方志叢書·華北地方·第三十八號

據纂修者不詳影印

山東省

德州鄉土志

(全)



成文出版社印行



10107724

中華民國五十七年三月臺一版

德州鄉志

定價：新台幣二〇〇元正

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇五號
電話：九二二〇一〇號

印刷者：正 大 印 製 廠

三重市長生街二號之一



內政部登記證內版臺業字第一一四七號

德州鄉土志

歷史

德州本境明洪武七年置

按歷史與州志德州之名始於隋開皇九年廢平

原郡置德州治安德縣大業復平原郡唐武德又改

德州開元又改平原郡乾元又改德州皆今陵縣地

今州境皆為縣隸焉惟石晉移德州治長河縣為

今州境十九年仍移復安德歷宋金元直至明洪

武七年未改故本州之置以前明為斷

未置德州以前

唐虞夏屬兗州

夏封

有南氏國

此南國之始

商南氏國屬兗州

周春秋戰國屬齊

或云兼屬趙州志證其誤甚確

秦南縣屬齊郡

秦立南城始為縣在南津河之東潔水之西即南氏

國

地此南縣之始

漢南縣屬平原郡

後漢高縣屬青州平原郡

三國高縣屬平原國

曹操築臨齊城於高縣之東北即今境內之邊臨鎮

晉高縣屬冀州平原國

東晉高縣屬冀州安德郡

即平原國

縣沒於石勒繼淪於燕又淪於符秦又淪於後燕卒歸北魏

北魏高縣屬冀州安德郡

高四面受敵不如臨齊有險可守遂移治臨齊

自秦至此

歷史

其地
移

北齊南縣屬安德國

北周高縣屬安德郡屬周僅四年

隋繹幕縣廣川縣長河縣屬平原郡

隋廢高縣遷立繹幕縣先有繹幕縣不涉本境於安樂縣西南

二十五里安樂為安德改名為今陵縣地平原郡德州皆治此又廢繹幕入安樂縣立

新廣州縣在安樂縣西北五十里在今德州城東十

里仁壽初避太子諱改名長河縣此長河縣之始大業以前

屬德州後屬冀州平原郡自秦至此其名一易再易二為自北魏至

此其地再
移三移 又開皇六年以縣東北遼遠置將陵縣在今
直隸吳橋縣界先屬德州後屬平原郡

唐長河縣屬河北道平原郡

武德間屬德州開元又屬平原郡乾元又屬德州自

元和四年起終唐之世世為王氏所據王承宗私移₅

長河縣治于白橋在永濟河西岸去故城三十里_自

_{至此其}
地四殺

五代梁唐長河縣屬德州

仍為王氏所據

歷史

五代晉漢長河縣屬德州

晉天福間移德州治長河縣以防契丹自晉天福

至周顯德為德州治十九年

五代周長河鎮屬將陵縣

顯德間廢縣為鎮地屬將陵

自隋至此其名四易

宋將陵縣屬河北東路德州

景祐元年移將陵縣治於長河鎮二年廢安陵縣

入焉

此將陵縣之始自後周至此其名五易

金將陵縣屬山東西路景州

割將陵縣北境立吳橋縣將陵縣仍在長河故地

元陵州屬河間路

元憲宗改將陵縣隸河間路又升將陵為陵州隸濟

南路至元二年復降將陵縣三年復升陵州廢故城

縣為鎮入焉二十三年割陵州西南別立故城自宋至此

其名知州秦政移建州治於舊治西北七里自唐至此其地

五
移

明陵縣屬濟甯府

德州屬濟南府

歷史

洪武元年降陵州為陵縣隸濟甯府七年廢陵縣
移德州治此並廢安德縣入焉隸濟南府領德平

平原二縣十三年於安德廢縣別置陵縣三十年御

河東築衛城永樂九年移德州治於衛城

此今德州
之始自元

至此其名七易
八易其地六移

既置德州以後

國朝德州屬濟南府

仍明制領德平原二縣雍正三年撥二縣隸濟南

府定為散州

德州衛

明洪武元年分兵守陵州是為守衛千戶所九年改守衛千戶所為德州衛三十年建衛城於御河東潞永樂五年增置左衛兩衛皆設指揮千百戶等官分城軍邊軍運軍

國朝順治三年裁邊軍留運軍改設兩衛守備康熙二十七年裁左衛守備歸併正衛守備光緒二十八年裁撤衛守備德正幫於是運軍亦裁各軍屯土地人民在各州縣境內者錢糧詞訟即歸各州縣管理計

德州管理七所五十七屯內有已廢者三屯實止五十四屯

歷史

政績錄

東漢

吳漢南陽宛人官大司馬擊清河平原皆下之高縣五大姓共逐守長據城反諸將欲攻之漢不可曰使高反者皆守長罪也敢輕冒進兵者斬乃移告諸郡牧守長而使人謝城中五姓五姓喜相率歸降諸將拜服曰不戰而下城非衆所及也

隋

政績錄

郭絢官涿郡通守大業十二年絢討高士達於長河為
竇建德所襲死之

唐

顏真卿官平原太守天寶十四年祿山反真卿使親客
懷購賊牒詣諸郡協謀舉兵討賊克魏郡收祿山將
表知於堂邑執逆黨段子光腰斬以徇於是山東諸
郡共推真卿為盟主軍聲大振長河隸平原即在郡
西五十里其受保障之力尤為切近

程權官滄州節度使元和十年敗王承宗於長河

五代晉

梁進官沿河巡檢開運元年契丹將麻答陷德州進以鄉社兵復之是時之德州即今德州也

宋

陳堯佐官知滑州事天禧五年河決堯佐築長堤導河東流至今名陳公堤

元

蒙哥官陵州達魯化赤中統三年濟南李壇反蒙哥力戰死之

秦政官陵州知州至元二十三年政移建州治於舊治西立
馬營三十年改建儒學於州治西南

杜明官陵州知州政平訟理吏不敢欺先是秦政改建
學宮衛益之繼備之延祐二年明置祭器課生徒勤講
肄以身先之風化大行

齊八元官學正與杜明同時謝絕人事盡心訓迪弟子
日衆成材者多

迪哩彌實官河間路總管延祐四年悉收陵州羣兇
之為官民害者繫死獄中

崔敬官中書參知政事至正十七年山東毛貴田豐等
作亂據東昌敬與平章達蘭參知諳達分省陵州陵
州乃南北要衝無城郭居民散處敬兼領兵刑戶工
四部事供給諸軍事無不集人以民力日疲請行納
粟之令以給軍費民獲小甦

也速官丞相至正十八年守陵州東昌賊北寇速縱之
過境而邀擊於景州大破之斬獲殆盡

明

韓觀官督都建文元年命觀練兵於德州秋李景